

Takurda-o Yohana aco

Rem-se rɔ n-mɛ à:

M-zantɛ 1:1-4

M-cɔcar un o-comb nɛ 1:5—2:29

Yakar-yɛ Shir un yakar-yɛ ko-Gwɔmo-wu un
ya-ut-kɔt nɛ 3:1-24

O-nip un ur-ba'as nɛ 4:1-6

Yo was-m he m-nɔm à 4:7-21

Sher-mɔ rɛ ur-hɔ à 5:1-21

Gom-de un hoog

¹ Tɛ genbutɛ nɔ ma-to un ká wu rɔkɛ cin ur-takan à, ká wu tɛ hoge ma-to un wu komo tɛ hyenes à. Tɛ hyenestɛ wu un yish tɛ komo tɛ ci'is wu un kom-ut tɛ. Wu gom-de un hoog de.*

² Ká wu rɔ un 'ya un hoog à rwuunte cas, tɛ hyenestɛ kɔr-mɔ un tɔ, komo tɛ rɔ ya-ɔs-tɔr un yo tɛ hyanɛ à. M-mɔka tɛ nɔ m-rurɛ ka ma-to un hoog-mɔ un ba m-ta mɔ, mɔ ro'e be-de Shir Tato na à, m-mɔka mɔ be-ur na.†

³ Yo tɛ hoge, un yo tɛ hyanɛ nɛ à, yo tɛ nɔ m-rurɛ, remen nɔ ma'astɛ kang-o gaan un tɛ nɛ. Bɔ tɛ kang-o gaan o-Tato nɛ un Wà un wu nɛ Yeso **Kiristi** à.‡

⁴ Tɛ nɔ m-gene un kà rem-se remen tɛ shooste zak-o tɛ.

Shir cecar-mɔ

* **Bɔr-o gaan:1 1:1** Hyen komo: Yoha 1:1. † **Bɔr-o gaan:2 1:2** Hyen komo: Yoha 1:14. ‡ **Bɔr-o gaan:3 1:3** Wu Shir daagne à.

⁵ Tom-o ká o te o hogne be-ur Yeso à komo o te ruru no, Shir cecar-mo, comb-o ro kon be-de un wu á ko hiin.

⁶ Urege a m-zee a ur-she'et kang-o gaan un Shir ne, amba a ur-she'et n-me o-comb, bo-to atte, komo a un she'et-de o-nip á.

⁷ Amba urege a ur-she'et be-de m-cecar bo Shir ro à, a kang-o gaan un or na ne. Komo hyó-m Wà un wu Yeso sokste **ba'as-ut** na kap.

⁸ Urege a zeege a rott **ur-ba'as** á, raks-to atte hi un na, komo nip-o ro kon un hur-ut na á.

⁹ Amba urege a rworog **ba'as-ut** na be-de Shir, wu kashi-wu, wan-shoos ut-ma wu, wua ho'osu **ba'as-ut** na, komo wu soks **ba'as-ut** na, wu so'osu na ko se ke rem-us yo-se se kap.

¹⁰ Urege a zeege a nom **ur-ba'as** á, a muute Shir wa-ut-bo, komo ma-to un wu ro kon un hur-ut na á.

Bor-us yoor

Ma-to un nap un Shir

¹ Yakar re, ye me m-was à, me no m-gende un to ka, taase no nom **ur-ba'as** á. Amba urege ne wu ken nomog **ur-ba'as** be un no, a ro un Wa-ut-Orom ne be-de Shir o-Tato, wu he kon un Shir rem na à, Yeso **Kiristi**, wu rott **ur-ba'as** á, ko hiin.

² Wu wu ya'ase hyó-mo un wu ur-sake a rurut na be-to un **ba'as-ut** na. Yanze ne to ma na un hon-de un to á, har un to un hono o-dak ne kap.

³ Kaane o a he m-nap a nak Shir, urege a dorute **karamsa-o** un wu.

⁴ Kowan wu zee wu nak Shir, amba wu dore **karamsa**-o un wu á, ko-ya-ut-bo-wu. Nip-o ro kon un hur-de un un wu á.

⁵ Amba kap wu nome o-dorotte un Ma-to Shir à, con-to Shir shiig o-nip un hur-de un wu. Kaane o a m-nap unze a kang-o gaan un Shir ne.

⁶ Kap bon wu zee wu ro kang-o gaan un Shir ne à, se wu nomog bo Yeso nome à.

Karamsa-o pu-o

⁷ Nay re ne, ba **karamsa**-o pu-o o me no m-gene á amba ka ut-o o, ka o no nape cin ur-takan à. Ka **karamsa**-o ut-o o ro tom-o no hoge à.*

⁸ Amba man hoks o m-zee **karamsa**-o pu-o, a un hyan un nip-o un o be-de un wu un be-ur no ne. Noa hyen comb-o ro m-dosse, cecar-mo o-nip ro m-dakan.

⁹ Kowan wu zee wu ro be-de m-cecar à, komo wu ro m-yage un or un wu, har m-moka à n-me o-comb wu ro.

¹⁰ Wu ro m-was un or un wu à, n-me m-cecar wu ro. Wu ro m-nom rii-yo he kaps un wu ken á.

¹¹ Amba wan-yage-ut or un wu ne, n-me o-comb o wu ro. Tomso ne n-me o-comb o wu ro m-neke. Wu nap be-de wu he m-hwo un na-o un wu á, remen comb-o pooste yish-ye un wu.

¹² No yakar re, ye me m-was à, me un genbu no remen Shir ho'osutu no **ba'as**-ut no rem Yeso **Kiristi**.

¹³ Tat-ne un in-ne ne, me un genbe no remen no nepste wu,

* **Bqr-qs yoor:7 2:7** Hyen komo: Yoha 13:34.

wu ro cin ba a ro nomog hono o-dak à.
No beeb-ye, me un genbu no to
remen no kapste **ko-Gwomo-wu un ya-ut-**
kot.

¹⁴ Yakar re, um genbutē no,
remen no nepste o-Tato.
Tat-ne, um genbutē no
remen no nepste ká wu ro cin ur-takan à.
Beeb-ye, um genbutē no remen no m-'wons ne,
komo ma-to Shir ro kon n-me un no,
har no mo'ogse ká yo-yo yo.

Taase no cun kà hono o-dak o

¹⁵ Taase no cun hono o-dak, ko komo rem-se
ro n-me un o á. Urege wu ken wu conog hono
o-dak, con-to o-Tato ro kon o ká be-de un wu á

¹⁶ Remen kap rem-se ro un hono o-dak à,
untun hoob-o un hoge un rerem-mo un rii-yo
wur-o cone à, un gop-de un hyan-o un yish ne,
komo un gwon-mo un rii-yo a kume ne à. To
kà ba be-de o-Tato to rwuune á, amba be-de un
hono o-dak to rwuune.

¹⁷ Hono o-dak un gop-de un o ne a tees, amba
net-wu dore con-mo Shir à wua kum hoog-o ba
m-ta.

Yan-yage-ut Yeso Kiristi

¹⁸ Yakar re, kom-de hono o-dak de ka. Bo no
hoge unze wan-Ryaab-us Yeso **Kiristi** roon da-
o ur-kom à, ko m-moka yan-yage-ut Yeso **Kiristi**
rusunte ut-moor ne. Remen kaane a nepste unze
a n-me un ka da-o.

¹⁹ Ká hun-ne ye un rwuun be-ur na, myet un
kaane ne ye kang-o gaan un na ne á. Ye rotte
kang-o gaan un na ne, ye roa she'et be-ur gaan

ʉn na ne. Amba koos-mo ʉn ye, mo a nepte ye ma na ye á, ko n-ga.

²⁰ Amba no, Yeso **Kiristi** ya'ag no **Kukt-o Shir**. No komo, kap, no nepste o-nip.

²¹ Me m-gende no, yanze me ʉnze no nap o-nip á, se de remen no nepste o. Amba no nepste yatt bo-to he m-rwuʉn be-de o-nip á.

²² ¿Wan wu ro ko-ya-ut-bo? Kap bon wu ro m-zee Yeso wu ro **Kiristi** á. Gon ka net-wu ro wan-Ryaab-ʉs Yeso **Kiristi**, wu yagute Shir, o-Tato ʉn Wà ne Yeso.

²³ Yatt-wu he nom ʉn she-mo ʉn Wà, wu kumut o-Tato á, amba wu gokse Wà à, wu ro ká o-Tato ne.

²⁴ No ne, rii-yo no hoge cin n-ga ne à, se no ess yo ʉn hur-ut no. Urege ne rii-yo no hoge à, no esste yo ʉn hur-ut no, noa ma'as kang-o gaan o-Tato ne ʉn Wà ʉn wu ne, Yeso.

²⁵ Yeso sworog o-nu, wua 'ye na hog-o ʉn ba m-ta.

²⁶ Me m-gende no ʉm nekt to-ut no remen go ʉn ká ye ro no ʉn con m-egusse à.

²⁷ Amba no, Yeso ya'aste no **Kukt-o Shir**. M-moka ka Kukt-o ro be ʉn no. No ʉn dish-o wu ken wu yoosutu no komo á. Remen yan á, Kukt-o ro no m-yoose ʉn ko yo ke rii-yo. Yoos-de ʉn o-Kukt ne bo-to á, nip-o. Nom no o-dorotte ʉn ka yoos-de ne, she'et no be-ur Yeso **Kiristi**.

²⁸ Yakar re, sengu no n-me ʉn **Kiristi**, remen da-o wu muune a ho'oste ur-hur, bo a hyen m'e ʉn her-o ʉn wu ho-de wu haan á.

²⁹ Urege no nak **Kiristi**, ko-yan-men-ut pus-to

wu, n̄o nak o ka ṽnze b̄on wu r̄o ṽn m̄en-ṽt pus-
t̄o n̄e à, wà-wu Shir wu.

B̄or-ṽs tet

*Yakar-ye Shir ṽn yakar-ye ṽn
ko-Gw̄omo-wu ṽn ya-ṽt-k̄ot ne*

¹ Gw̄ot n̄o ḡo ṽn was-m̄o Shir Tato na kutu na
à, har wu zee na yakar-ye ṽn wu a r̄o. Ka bōose a
r̄o. Hun-ne ye ṽn h̄ono o-dak ye nap na á, remen
ye nap Tato na Shir á.*

² Or re ne, ye m̄e m-was à, m-m̄oka yakar-ye
Shir a r̄o. Amba har m-m̄oka a kutu na yo a he
m-warag á. A nepste da-de wu mūne, a warag
ṽntun Yeso **Kiristi**, remen a hyen wu b̄o wu r̄o
à.

³ Kap wu h̄wo ṽr-hur wu waragte ṽntun wu à,
se wu waragte ba m-k̄ukop 'm̄o ṽr-hur b̄o Yeso
r̄o à.

⁴ Net-wu s̄enge she'et-de **ṽr-ba'as** à, wu paks o
ka **karamsa**-o Shir. Remen n̄om **ṽr-ba'as** jet ṽn
karamsa-o Shir o.

⁵ N̄o nepste Yeso **Kiristi**, wu ṽn haan remen
wu dek **ba'as**-ṽt na. Wu n̄e wu rott **ṽr-ba'as** á.†

⁶ K̄owan wu she'ete kang-o gaan ṽn wu n̄e, wu a
s̄enge n̄om **ṽr-ba'as** á. Amba k̄owan wu s̄enge
n̄om **ṽr-ba'as**, wu nap wu á.

⁷ Yakar re, taase wu ken wu raks n̄o, wu r̄o ṽn
n̄om ṽn kashi ṽn rii à, kashi-wu, b̄o **Kiristi** r̄o
o-kashi à.

⁸ B̄on net-wu r̄o m-ma'as ṽn n̄om ṽt-**ba'as** à,
wu mà **ko-Gw̄omo-wu ṽn ya-ṽt-k̄ot** wu, remen

* **B̄or-ṽs tet:1 3:1** Hyen komo: Yoha 1:12. † **B̄or-ṽs tet:5 3:5**
Hyen komo: Yoha 1:29.

cin n-ga ne **ko-Gwomo-wu un ya-ut-kot** wa-ut-**ba'as**-wu. Amba Yeso **Wà-wu Shir** haante remen wu saburté senge-mo un **ko-Gwomo-wu un ya-ut-kot**.

⁹ Kap bon net-wu ro mat-de Shir à, wu m-senge un nom **ur-ba'as** á, remen go-ye Shir ro kon un hur-de un wu. Tomso ne wua hoks m-senge m-nom **ur-ba'as** á, remen mat-de Shir de wu ro.

¹⁰ Kaane o a he m-**nap** un yakar-ye Shir un yakar-ye un **ko-Gwomo-wu un ya-ut-kot** ne. Kowan wu ro m-nom un kashi rii á, komo wu ro un was un or un wu á, wu mà Shir wu á.

Was un or ru ne

¹¹ Ma-to no hoge cin ur-takan à, to ka, a was no or na ne.‡

¹² Taase a warag untun **Keen**. **Keen** wu ro'e wà-wu un **ko-Gwomo-wu un ya-ut-kot** à, wu ho'e heno un wu à. ¿Remen yan o ne wu hote heno un wu? Remen rem-se wu ro m-nom à, yo-se se, se ma heno un wu ne, rem-us so-se se.§

¹³ Yan-dor Yeso, taase no bup o-nu urege hun-ne yagutu no un hono o-dak.

¹⁴ Na ne, a nepste a possute m-mar, a wooste be-de un hoog remen a m-was un or na ne ne. Net-wu ro m-was un or un wu á, wu ro'osuturu o ka un she'et-de m-mar.*

¹⁵ Kowan wu ron yage-ut or un wu, wan-ho de un net-wu ka. No nepste ne wan-ho de un net ro kon wu he m-she'et un hoog ne o Shir o un ba m-ta á.

‡ **Bor-us tet:11 3:11** Hyen komo: Yoha 13:34. § **Bor-us tet:12 3:12** Hyen komo: Taka 4:8. * **Bor-us tet:14 3:14** Hyen komo: Yoha 5:24.

16 Rii-yo hante a nept m-was à, remen Yešo **Kiristi** ya'aste hoog-o ɔn wu rem na. Na ne, depute a ya'as hi ɔn na rem or na ne.

17 Net-wu hyane wu ro ɔn rii-yo m-re ne à, wu hyanuru or ru wu wu ka wu rott rii á, wu ne, wu 'ya wu á, ¿was-mo Shir ro ɔn hur-de ɔn wu o ka?

18 Yakar re, no nom was-mo o-nu temb á, amba yage a hyenet ɔn rem-se no m-nom à o-nip ne.

A she'et no sasa be-de Shir

19 Kaane o a nape unze na ya-o-nip-ye, a ho'os hur ɔn na sak da-o a m-es ɔn her-o Shir à.

20 Ko hur-ur na kaps na, a nep unze Shir aragte hur-ur na, komo wu neps koyan.

21 Or re ne, ye me m-was à, urege hur-ut na hees na á, a she'et be-to Shir sasa.

22 Aa kum kap rii-yo a kone be-de Shir à, remen a nomutu wu o-dorotte, tomso ne a ro m-nom ɔn rii-yo wu cone à.

23 Yo Shir zee a nom à yo ka: A sher no ɔn jin-ur Wa ɔn wu Yešo **Kiristi**, tomso ne a was ɔn or na ne ne, bo Yešo **Kiristi** zee na à.†

24 Ye ro o-dorotte ɔn **karamsa**-o Shir à ye ro n-me ɔn Shir, Shir ro komo n-me ɔn ye. Kaane a nape unze wu ro n-me ɔn na: A ɔn nap to ka remen Kukt-o wu ya'u na à.

Bɔr-ɔs nass

Kukt-o Shir ɔn o ma ko-wa-ut-yage ne

† **Bɔr-ɔs tet:23 3:23** Hyen komo: Yoha 13:34; 15:12,17.

¹ Or re ne, ye me m-was à, yan-ko'ot un ma-to ut-bo rusunte hono o-dak ko kene unze yan-rwor un Ma-to Shir ye ka. Remen kaane, no goks kowan wu zee wu ro un **Kukt-o Shir** ne á. Se no me'este, no gut, ko **Kukt-o Shir** o nip o.

² Cow-yo no hette nap un un **Kukt-o Shir** à, yo ka. Kap net-wu deke Yeso **Kiristi**, wu heesunte un wur-o un net à, ka net-wu ro un **Kukt-o Shir** ne.

³ Amba ka net-wu rwore kaane un Yeso á, to ka kukt-o wu rotte à o Shir o á. Ka kukt-o ro un wan-Ryaab-qs Yeso ne, o no hoge o roon à, ko m-moka ma o woosunte un hono o-dak.

⁴ Yakar re, yakar-ye Shir ye no ro. Tomso ne no kapste ka ya-ut-bo-ye remen **Kukt-o Shir** o ro be-ur no à, o jiište o un hono o-dak m-'wons.

⁵ Ka ya-ut-bo-ye, ya un m-was un ka dak-o ye, remen kaane kap yo ye rwore à, yo un ka dak-o yo, hun-ne ye un ka dak-o ro ye m-ke'e ut-to.

⁶ Na ne, hun-ne ye Shir-ye. Wu nape Shir à, wu ro un raks ut-to be un na. Amba wu nape Shir á, net-wu Shir wu á, har wu rakste ut-to be un na á. Cow-yo a nepte ma-to o-nip to rwuune be-de Shir à, un to ut-bo ne à, yo ka.

Shir waste un na ne, a was un or na ne

⁷ Or re ne ye me m-was à, a was no or na ne, remen m-was mo un rwuun be-de Shir. Wu ro m-was un or un wu à, wu ro un hoog-m pu-mo ne, komo mat-de Shir de, tomso ne wu nak Shir.

⁸ Shir was-mo, komo kowan wu yage was un or un wu à, wu nap Shir á.

⁹ Cɔw-yo Shir kututu na m-was à, yo ka, Shir tomonte Wà un wu wan-gaan cɔt un hono o-dak, remen wu a kumut hoog-o ba m-ta.

¹⁰ Was-mo o-nip mo ro was-mo a kute Shir á, amba was-mo Shir kutu na à. Shir tomonte Wà un wu remen wu ya'aste hyó-mo un wu ur-sake a rurut na be-to un **ba'as-ut** na.

¹¹ Or re ne, ye me m-was à, cin de nomte Shir waste un na ne deen à, ai, depete, a was no or na ne.

¹² Yatt-wu hyane Shir á. Amba urege a m-was un or na ne, Shir a she'et kang-o gaan be-ur na, komo was-mo un wu mo o-nip a ma'as un hur-ur na.*

¹³ Shir ya'aste Kukt-o un wu, un ka cɔw-yo a nepte a kang-o gaan un wu ne, bo wu ro kang-o gaan un na ne à.

¹⁴ Shir tomonte Wà un wu, **Wan-Gwu** be-de un hun-ne un hono o-dak. Te hyanag Wà un wu m-moka komo te un ko'ote un ye ken ma-to un wu.

¹⁵ Kowan wu gokse Yeso **Wà-wu Shir** wu, Shir a ma'as kang-o gaan un wu ne ho-ur bi.

¹⁶ A nak, tomso ne a shereg o-nip un was-mo Shir nome na à. Shir was-mo urege a sengute m-was un or na ne, a ma'as kang-o gaan un hur-ut na un Shir ne, komo Shir a ma'as kang-o gaan be-ur na.

¹⁷ Urege a waste un or na ne o-nip, komo a nom bo **Kiristi** nome un ka dak-o à, a rangse hi un na un gyer-o un ho-de un piish ut-ma á.

¹⁸ Gyer-o ro kon be-de m-was á. Was-mo o-nip ro un dos o-gyer, remen baks mo un swo ur-koob

* **Bɔr-ʊs nass:12 4:12** Hyen komo: Yoha 1:18.

rɔ ɔn hante o-gyer. Wan-hoge o-gyeru ne, wu rott m-was deen á.

¹⁹ A m-was remen Shir ye taknu na m-was.

²⁰ Amba kowan wu zee wu rɔ ɔn m-was ɔn Shir, amba wu rɔ ɔn yage-ut or ɔn wu, ka net-wu wa-ut-bo-wu. Remen net-wu rɔ m-was ɔn or ɔn wu á, ¿re o ɔn ya wu he m-was ɔn Shir ne, ye wu take m-hyan?

²¹ **Karamsa**-o Shir ya'asu na à o rɔ, “Was no ɔn Shir ne komo no was or no ne.”

Bɔr-ɔs taan

Rɛ ur-ho ɔn hono o-dak

¹ Urege a shereg o-nip unze Yeso wu rɔ **Kiristi**, na yakar-ye Shir ye ka. Kowan wu rɔ m-was o-Tato à, wu waste o ká ɔn yakar-ye ɔn wu ne.

² Yo a hette m-nap unze a m-was ɔn yakar-ye Shir à yo kà: Be-de ɔn was ɔn Shir ɔn hi ɔn de ɔn wu ɔn dek ɔn **karamsa**-o ɔn wu ne.

³ A ɔn kute ɔn Shir was-m na ɔn bu-yo o-dorotte ɔn **karamsa**-to ɔn wu, komo to hede na m-kwange á.*

⁴ Ko wu ke wà-wu Shir wu, a hoks rɛ ur-ho ɔn hono o-dak, komo sher-m na be-ur Yeso mo rɔ na m-'ya ur-ho.

⁵ ¿Wan wu he rɛ ur-ho ɔn hono o-dak á? Se wu shere unze Yeso wu rɔ **Wà-wu Shir** à.

Bɔ Yeso rɔ à

* **Bɔr-ɔs taan:3 5:3** Hyen komo: Yoha 14:15.

⁶ Yešo **Kiristi**, wu haane m-ho m-hyó ne. Wu haan m-ho ne un hond un mo á, amba m-ho m-hyó ne. Komo o-Kukt ne, remen o-Kukt o ro o-nip.

⁷ Nen tet ro kon yan-tor-se un to.

⁸ O-Kukt, m-ho un m-hyó ne, komo myet tet mo un ye ma-to un ye ro kang-o gaan.

⁹ A m-dek un rwor-mo un hun-ne, amba rwor-mo Shir aragte m-'wons remen rwor-mo Shir mo, mo wu ruru na ma-to un Wà un wu à.

¹⁰ Bo un wu shere be-de un **Wà-wu Shir** à, wu gokste o ka swo-se Shir un hur-de un wu. Amba bo un wu yage goks swo-se un wu mosse un ma-to un Wà un wu ne á, wu musste Shir wa-ut-bo o ka. Remen wu un swo-se Shir su'e Wà un wu á.

¹¹ Rii-yo Shir kutu na be-to un rwor-mo un wu à, yo ka, wu ya'ag na hoog-o ba m-ta, o a kume be-ur Wà un wu à.†

¹² Kap wu gokse Wà un wu à, wu ro un hoog ne o ba m-ta. Wu gokse ne Wà un Shir á, wu rott hoog-o ba m-ta á.

Hoog-o Shir o ba m-ta

¹³ Me un gende no, no ye shere un jin-de un **Wà-wu Shir** à, remen no nept unze no ro un hoog ne o ba m-ta.

¹⁴ A nepste Shir a hoge kon-us na, urege a konog hond hond un con-mo un wu ne.

¹⁵ Urege a nepse unze Shir ro na m-ke'e ut-to da-o a konu wu, a nepste o ka o-nip wu ya'ag na yo a kone à.

† **Bɔr-ʉs taan:11 5:11** Hyen komo: Yoha 3:36.

¹⁶ Kowa hyane ɔr ʉn wʉ rɔ ʉn nɔm **ur-ba'as** de wɔ m-mar á, wʉ kɔnʉ wʉ Shir. Remen ka wa-**ur-ba'as**-wʉ kumut hoog. Amba **ba'as**-ur rɔ kɔn de wɔɔ m-mar à, me ze nɔ kɔn Shir remen go ʉn de á.

¹⁷ Kap nɔm ʉn rii-yo ba ʉr-bon **ba'as-de**. Amba kɔ de ke **ba'as-de** rɔ de m-mar á.

¹⁸ A nepste yakar-ye Shir rɔ m-senge m-nɔm **ur-ba'as** á, remen Yeso **Kiristi, Wà-wʉ Shir**, rɔ ʉn 'er-de ʉn ye, **ko-Gwomo-wʉ ʉn ya-ʉt-kot** a hoks ye m-ci á.

¹⁹ A nepse ʉnze na yakar-ye Shir ye, komo myet-mɔ ʉn hono o-dak, **ko-Gwomo-wʉ ʉn ya-ʉt-kot** rɔ ɔ ʉt-gwomo.

²⁰ A nepse ʉnze **Wà-wʉ Shir** haante, komo wʉ ya'ag na ʉs-nap a nept Shir-ɔ o-nip. M-moka a n-me ʉn ká wa-o-nip-wʉ remen a she'ette ʉn gam-ɔ ʉr-hi ʉn Wà ʉn wʉ ne, Yeso **Kiristi**. Wʉ rɔ Shir-ɔ ba m-kukɔp ɔ o-nip, komo wʉ rɔ Shir-ɔ o-nip ʉn hoog-ɔ ba m-ta ne.

²¹ Yakar re, som nɔ be-de ʉn gir-mɔ ʉt-bɔ.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 28 Dec 2024 from source files dated 29 Jan 2022

4b40cd80-7cb8-5d3d-8563-557f030f99d7